



Inatsisartunut ilaasortaq Pele Broberg, Partii Naleraq
Inatsisartut Allattoqarfiat
/Maani

**Air Greenland A/S pillugu § 37 naapertorlugu apeqqutinnut nr 2019/230-
mut akissutit.**

10-07-2019

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Pele Broberg,

Air Greenland A/S-imi ineriartorneq pillugu Inatsisartut suleriaasianni § 37 naapertorlugu Naalakkersuisunit apeqquteqarputit. Apeqqutigisatit uannut akisassanngortinneqarsimapput.

Apeqqutigineqartut ima oqaasertaqarput:

1. Air Greenland-ip aktiaataasa tamakiisumik tiguneqarnerisa kingorna qanoq Naalakkersuisut iliuuseqalersaarpat?

Air Greenland suliffeqarfittut pitsaasutut ingerlanneqarnera ingerlaannassaaq Kalaallit Nunaanni attaveqaatersuutunik suliassat ilaattut pingaarutilittut Kalaallit Nunaannut Kalaallit Nunaamiillu ilaasunik assartuisarnermik isumaginnittussaaluni. Ingerlatseqatigiiffiup periusissai siulersuisunit ilusilersorneqartarput.

2. Suliniutit suut Naalakkersuisut suliarivaat, akikinnerusumik Air Greenland-imi angalanarluni inniminniisoqartalernissaa qularnaarniarlugu?

Naalakkersuisunit siunertarineqarpoq mittarfinnik nutaanik pilersitsineq aammalu unammilleqatigiissinnaanissamat periarfissaqalernera timmisartuussisartut akikinnerusunik neqerooruteqartalersinnaaneramik kinguneqassasoq.

3. Air Greenland-ip angalatitsiviuteqarfiutilinnut aamma unnuisarfiutilinnut namminersortunut unammillernini ingerlatiinnassavaa?

Air Greenland A/S-ip suliffeqarfittut ingerlatai inatsisit naapertorlugit siulersuisunit aaqqissorneqartarput. Air Greenland A/S timmisartuussisartut allat assigalugit suliassaqarfinnik pineqartunik ingerlatsisinnaatitaavoq.

4. Qanga Naalakkersuisut aalajangerpaat Airgreeland-i unnuisarfinnik nutaanik sanaartussasoq?

Ilisimatitsissutigisinnaavara ingerlatseqatigiiffinnik namminersorlutik oqartussanit pigineqartuni suliasat piginnittuunermut tunngasut piginnittut, siulersuisut ingerlatseqatigiiffinnilu ulluinnarni aqutsisut ingerlatseqatigifinnullu inatsimmi allassimasut naapertorlugit naalakkersuisunit aquneqartarmata. Ilaatigut tamatumaa kingunerisaanik ingerlatseqatigiiffiit ingerlatsinerinut tunngasut ataatsimeersuarnermi aalajangigassanngortitat aqutugalugit naalakkersuisunit ingerlanneqartarput.

Air Greenlandip nutaanik akunnittarfiliortiternissamik aalajangernissaa qullersat akisussaaffigalugulu isummerfissaraat. Taamaattoq apeqqut taamatut isikkulik Air Greenland A/S-mut apeqqutigisariaqarpoq.

5. Naalakkersuisut suut iluaqutissaasinnaasutut takorloornerpaat unnuisarfiit Namminersorlutik Oqartussanit pigineqartut ataatsimut aqutaalerpata, uani Air Greenland-i aamma Mittarfeqarfiit unnuisarfinnik ingerlatsinerat, INI A/S-imi imaluunniit selskabet allat assigalugit?

Akunnittarfiit ingerlatseqatigiiffinnit Namminersorlutik Oqartussanit pigineqartut aammalu suliffeqarfiit namminersortitat suliffimmut ataatsimut kattunnerisigut ajoqutissat iluaqutissallu Naalakkersuisunit maannakkumut misissorneqarnikuunngillat.

6. Naalakkersuisut Air Greenland, tamakkiisumik imaluunniit ilaannakortumik namminersortunngorsarniarlugu pilersaaruteqarpat tamannalu qanoq nunatta karsianut isertitaqarfiutigissava?

Naalakkersuisut Air Greenland A/S-imi piginnittuunermut ingerlatsinermulluunniit tunngasunik allanngortitsinissamik immikkut pilersaaruteqanngillat.

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen